

日死脉八動一止十日死脉九動一止九日死又云十一日死一經云十三日死若立春死脉十動一止立春死一經云立夏死脉十一動一止立夏死一經云夏至死又云立秋死脉十二動十三動一止立秋死一經云立冬死脉十四動十五動一止立冬死一經云立夏死脉二十動一止一歲死若立秋死脉二十一動一止二歲死脉二十五動一止二歲死一經云一歲死又云立冬死脉三十動一止二歲死若三歲死脉三十五動一止三歲死脉四十動一止四歲死脉五十動一止五歲死不滿五十動一止五歲死五行氣畢陰陽數同榮衛出入經脉通流晝夜百刻五德相生脉來五十投而不止者五臟皆受氣即無病也脉來四十投而一止者一臟無氣却後四歲春草生而死脉來三十投而一止者二臟無氣却後三歲麥熟而死脉來二十投而一止者三臟無氣却後二歲黍稷赤而死脉來十投而一止者四臟無氣歲中死得節不動出清明死遠不出穀雨死矣脉來五

動而一止者五臟無氣却後五日而死脉一來而久住者宿病在心主中治脉二來而久住者病在肝枝中治脉三來而久住者病在脾下中治脉四來而久住者病在腎間中治脉五來而久住者病在肺枝中治五脉病虛贏人得此者死所以然者藥不得而治針不得而及盛人可治氣全故也

孫真人備急千金要方卷之八十五



孫真人備急千金要方卷之八十六 陽
宋朝朱印守常少師元祐閣提理林億等校正
 平脉方

扁鵲診諸及逆死脉要訣第十四

扁鵲曰夫相死脉之氣如羣鳥之聚一馬之筋系水交馳之狀如懸石之落出筋之上藏筋之下堅關之裏不在榮衛伺候交射不可知也

脉病人不病脉來如屋漏雀啄者死屋漏者純而止時復起而不相連屬也雀啄者脉來其數而疾絕上復頓來也又經言得病七八日脉如屋漏雀啄者死脉來如彈石去如解索者死彈石者脉來如石之擊也解索者脉來如絲之解也脉因病人脉如蝦之游如魚之翔者死蝦游者脉起而退退而不進也魚翔者脉在皮而無肉也脉如懸薄養索者死脉如轉豆者死脉如偃刀者死脉涌涌不去者死脉忽去忽來暫止復來者死脉中侈者死脉分絕者死上下分脉有表無裏者死經名曰結去即死何謂結脉在指下如麻子動搖屬暗名曰結去死近也

脉五來不復增減者死經名曰代何謂代脉
五來一止也脉七來是一息半時不復增
減亦名曰代正死不疑經言病或有死或有
不治自愈或有連年月而不已其死生存亡
可切脉而知之耶然可具知也設病者若閉
目不欲見人者脉當得肝脉弦急而長而反
得肺脉浮短而澀者死病若開目而渴心下
牢者脉當得腎實而數反得沈滑而微者死
病若吐血復執血者脉當得沈細而反得浮
大牢者死病若謔言妄語身當有熱脉當洪
大而反得手足四逆脉反沈細微者死病若
大腹而泄脉當微細而澀反得緊大而滑者
死此之謂也經言形脉與病相反者死奈何
然病若頭痛目痛脉反短澀者死病若腹痛
脉反浮大而長者死病若腹滿而喘脉反滑
利而沈者死病若四肢厥逆脉反浮大而短
者死病若耳聾脉反浮大而澀者死于金翼
云脉大
者生沈澀
細者難治病若目眩脉反大而緩者死左
有病而右痛右有病而左痛下有病而上痛
上有病而下痛此為逆逆者死不可治脉來

沈之絕濡浮之不止推手者半月死一作脉
半日脉
來微細而絕者人病當死人病脉不病者生
脉病人不病者死人病尸厥呼之不應脉絕
者死脉當大反小者死肥人脉細小如絲欲
絕者死羸人得躁脉者死人身澀而脉來往
滑者死人身滑而脉來往澀者死人身小而
脉來往大者死人身大而脉來往小者死人
身短而脉來往長者死人身長而脉來往短
者死尺脉上應寸口大遲者半日死脉細云
尺脉不
應寸時如
死十日死診五臟六腑十二經脉皆有相反
有一反逆即為死候也
診百病死生要訣第十五
凡診脉當視其人大小長短及性氣緩急脉
之遲速大小長短皆如其人形性者吉反之
者凶
診傷寒熱盛脉浮大者生沈小者死傷寒已
得汗脉沈小者生浮大者死
濕病三四日以下不得汗脉大疾者生脉細
小難得者死不治
溫病時行大熱其脉細小者死脉細時行
作續續

溫病下利腹中痛甚者死不治溫病汗不出
出不至足者死厥逆汗出脉聖疆急者生虛
緩者死
熱病二三日身體熱腹滿頭痛食飲如故脉
直而疾者八日死四五日頭痛腹痛而吐脉
來細疆十二日死八九日頭不疼身不痛日
不赤色不變而反利脉來濛濛按之不彈手
時大心下堅十七日死
熱病七八日脉不輒一作
散者當瘥
瘥後三日若汗不出者死
熱病七八日其脉微細小便不利加暴口燥
脉代舌焦枯黑者死
熱病未得汗脉盛躁疾得汗者生不得汗者
難瘥熱病已得汗脉靜安者生脉躁者難治
熱病脉躁盛而不得汗者此陽之極也十死
不治熱病已得汗脉常躁感陰氣之極也亦
死太陽作
陽極熱病已得汗常大熱不去者亦死
大熱病已得汗熱未去脉微躁者慎不得
刺治也熱病發熱甚者其脉陰陽皆竭慎勿
刺不汗出必下利診人被風不仁痿廢其脉

虛者生數者生 堅急疾者死 診癰病虛則
 可治實則死 癰疾脉實堅者生 脉沈細小者
 死 癰疾脉搏大滑者久 久自已其脉沈小急
 實不可治 小堅急亦不可療 診頭痛目痛久
 視無所見者死又視一 診人心腹積聚其脉
 堅彊急者生 虛弱者死 又實彊者生 沈者死
 其脉大腹大脹四肢逆冷其人脉形長者死
 腹脹滿便血脉大時絕極下血脉小疾者死
 心腹痛痛不得息脉細小遲者生 堅大疾者
 死 腸澀便血身熱則死 寒則生 腸澀下白沫
 脉沈則生 浮則死 腸澀下膿血脉懸絕則死
 滑大則生 腸澀之屬身熱脉不懸絕滑大者
 生 懸澀者死 以藏期之腸澀下膿血脉沈小
 流連者生 數疾且大有熱者死 腸澀筋擊其
 脉小細安靜者生 浮大緊者死 洞洩食不化
 下膿血脉微小者生 緊急者死 洩注脉緩時
 小結者生 浮大數者死 膿蝕陰症其脉虛小
 者生 緊急者死 欬嗽脉沈緊者死 浮直者生
 浮軟者生 小沈伏匿者死 欬嗽羸瘦脉形堅
 大者死 欬脫形發熱脉小堅急者死 肌瘦下

脫形熱不去者死 欬而嘔腹脹且洩其脉弦
 急欲絕者死 吐血衄血脉滑小弱者生 實大
 者死 汗出若衄其脉小滑者生 大躁者死 唾
 血脉緊彊者死 滑者生 吐血而欬上氣其脉
 數有熱不得卧者死 傷寒家欬而上氣其脉
 數散者死 謂其人形損故也 上氣脉數者死
 謂其形損故也 上氣喘息低昂其脉滑手足
 温者生 脉澀四肢寒者死 上氣面浮腫肩息
 其脉大不可治 加利必死一作 上氣注液其
 脉虛寧寧伏匿者生 堅彊者死 寒氣上攻脉
 實而順滑者生 實而逆澀則死大素云寒氣
 何如曰實而滑則生 實而澀則死 其形虛滿
 何如曰擊而數則生 擊而遲則死 其形虛滿
 如是者順則生 逆則死 何謂順則生 逆則死
 曰所謂順者手足温也 所謂逆者手足寒也
 消渴其脉數大者生 細小浮短者死 瘡癰脉
 實大病久可治 脉懸小堅急病久不可治 消
 渴脉沈小者生 實堅大者死 水病脉洪大者
 可治 微細者不可治 水病脹閉其脉浮大輕
 者生 沈細虛小者死 水病腹大如鼓脉實者
 生 虛者死 卒中惡吐血數升脉沈數細者死
 浮大疾快者生 卒中惡腹大四肢滿脉大而

緩者生 緊而浮者死 緊細而微者亦生病 瘡
 腰脊彊急癰瘕者皆不可治 寒熱瘕瘕其脉
 代絕者死 金瘡血出大多其脉虛細者生 數
 實大者死 金瘡出血脉沈小者生 浮大者死
 斫瘡出血一二石脉來大二十日死 斫刺俱
 有病多少血出不自止斷者脉止脉來大者
 七日死 從高頸仆內有血腹脹滿其脉堅彊
 者生 小弱者死 人為百藥所中傷脉微細者
 死 洪大而速者生脉結 人病甚而脉不調
 者難瘥 人病甚而脉洪易瘥 人陰陽俱結者
 見其上齒如熟小豆其脉躁者死結一人內
 外俱虛身體冷而汗出微嘔而煩擾手足厥
 逆體不得安靜者死 脉實滿手足寒頭熱春
 秋生 冬夏死 老人脉微陽羸陰彊者生 脉焮
 大加息者死 陰弱陽彊脉至而代奇月而死
 尺脉澀而堅為血實氣虛也 其發病腹痛逆
 滿氣上行此為婦人胞中絕傷有惡血久成
 結瘕得病以冬時黍稌亦而死
 尺脉細而微者血氣俱不足細而末有力者
 是穀氣不足病得節輒動裏葉生而死 此病

秋時得之

左手寸口脉偏動乍大乍小不齊從寸口至
關關至尺三部之位處處動搖各異不同其
人病仲夏得之此脉桃花落而死一作花
右手寸口脉偏沈伏乍小乍大朝來浮大暮

夜沈伏浮大即太過上出魚際沈伏即下不
至關中往來無常時時復來者榆葉枯落而
死一作葉

右手尺部脉三十動一止有頃更還二十動
一止乍動乍踈不與息數相應其人雖食穀
猶不愈一作葉草生而死

左手尺部脉四十動而一止止而復來來逆
如循直木如循張弓弦絀然如兩人共引
一索至立春而死一作冬死

診三部脉虛實訣死生第十六

凡三部脉大都欲等只如小人細人婦人脉
小輕小兒四五歲者脉呼吸八至細數吉千金
其人苦而脉虛性急而脉緩性緩而脉急而脉壯
而脉細人羸而脉大此皆為逆則難治反
此為順順則易治凡婦人脉常欲濡弱於夫
夫小兒四五歲者脉
自訣疾呼吸八至也

三部脉或至或不至冷氣在胃中故令脉不

通三部脉虛其人長病得之死虛而瀋長病
亦死虛而滑亦死虛而緩亦死虛而弦急癰
病亦死三部脉實而長長病得之死實而滑
長病得之生卒病得之死實而緩亦生實而

緊亦生實而緊急癰病可治三部脉彊非稱
其人病便死三部脉羸非其人得之死三部
脉粗長病得之死卒病得之生三部脉細而

軟長病得之生細而數亦生微而緊亦生三
部脉微而伏長病得之死三部脉軟長病得
之不治自愈治之死卒病得之生三部脉浮

而結長病得之死浮而滑長病亦死三部脉
浮而數長病風得之生卒病得之死三部脉
沉長病得之生三部脉弦而數長病得之生

卒病得之死三部脉革長病得之生卒病得
之生三部脉堅而數如銀釵股蠱毒病必死

數而軟蠱毒病得之生三部脉澀澀如美上
肥長病得之死卒病得之生三部脉連連如
蜘蛛絲長病得之死卒病得之生三部脉如
霹靂長病得之死三部脉如角弓長病得之

死三部脉累累如貫珠長病得之死三部脉

如水淹然流長病不治自愈治之反死三部
脉如屋漏長病十四日死脉經云三部脉如
雀喙長病七日死三部脉如釜中湯沸朝得
暮死夜半得日中死日中得夜半死

三部脉急切腹間病又婉轉腹痛針上下瘥

孫真人備急千金要方卷之八十六